

## MISSINGIUT

Skiimami ataaniittumi quleriaat siulliata 1-ip Trafikstyrelsenip BL 7-17-imut nutaamut siunnersuutaa imaraa, tassani manna tikillugu atuussimasuni BL 7-17-imi aamma 7-18-imi immikkoortut pingaarutillit ataatsimut MET-BL-imi katersorneqarput aamma (EU) peqqussut 2017/373 (ATM/ANS peqqussut) aamma BL 7-5-miittut ilassuserpai, Quleriaat aappaanni Trafikstyrelsenip BL 7-17-imut nutaamut siunnersuummut oqaaseqaatai imarineqarput.

<b>BL 7-17-mut nutaamut siunnersuut</b>	<b>Trafikstyrelsenip oqaaseqaatai</b>
<p><b>BL 7-17</b></p> <p><b>Silasionermik kiffartuussineq aamma silasionermi atortut pillugit aalajangersakkat *</b></p> <p><b>Sisamassaanik saqqummiusaq, .....</b></p> <p>Silaannakkut angallanneq pillugu inatsimmi § 54 aamma § 149, imm. 10 naapertorlugit, tak. inatsimmut nalunaarut nr. 118, 31. januar 2024-meersoq, kunngip peqqussutaatigut Savalimmiunut atuutilersinneqartoq, tak. peqqussummik nalunaarut nr. 1171, 6. september 2023-meersoq, aamma Kalaallit Nunaannut inatsisikkut aamma kunngip peqqussutaatigut atuutilersinneqartoq, tak. inatsimmut nalunaarut nr. 76, 24. januar 2024-meersoq malillugu, Trafikstyrelsenip suliassai aamma piginnaatitaaneri, naammagittaalliorfissamut periarfissai aamma Trafikstyrelsenip maleruaqqusaata ilaannik aalajangersaaneq pillugu nalunaarummi nr. 1625, 12. december 2023-meersumi § 6, imm. 1, aamma § 3, imm. 1 malillugit piginnaatitsineq malillugu aamma Savalimmiunut silaannakkut angallanneq pillugu suliqarfimmi Trafikstyrelsenip suliassai aamma piginnaatitaaneri, naammagittaalliorfissamut periarfissai aamma Trafikstyrelsenip maleruaqqusaata ilaannik aalajangersaaneq pillugu nalunaarut [xxxx] [xx] [måned] 20[xx]-meersoq malillugit aalajangersarneqarpoq:</p>	<p><i>Taaguutaa aamma aallaqqaasiutaa aaqqissuisunit aamma inatsisilerinermi teknikkikkut aaqqissuunneqarput, maannalu BL 7-17-imut aamma BL 7-18-imut maannamut atuuttunut matussusiilluni.</i></p> <p><i>Malugineqarpoq, maanna Kalaallit Nunaat pillugu immikkut ittumik pisinnaatitaanermik/oqartussaassutsimik allamut (oqartussaasumut alliunerusumut) isumagisassanngortitsineq suli atulersinneqarsimangimmat.</i></p>
<p>*) BL-imi Kommissionip atortuulersitsinermik peqqussutaani (EU) nr. 2017/373, 1. marts 2017-meersumi aalajangersakkat ilai, taanna allanngortinneqatoq Kommissionip peqqussutaani (EU) nr. 2020/469, 14. februar 2020-mi, Kommissionip atortuulersitsinermik peqqussutaani (EU) nr. 2021/665 22. april 2021-mi, Kommissionip atortuulersitsinermik peqqussutaani (EU) nr.2021/1338, 11. august 2021-mi aamma Kommissionip atortuulersitsinermik peqqussutaani (EU) nr. 938, 26. juli 2022-meersumi aamma peqqussummi (EU) 2023/1771, 12. september 2023-mi aalajangersakkat ilai ilanngunneqarsimapput. EUF-Traktatimi artikel 288 malillugu peqqussut naalagaaffinni ilaasortaasuni erniinnartumik atuutilersarpoq. BL-imi aalajangersakkanik taakkuninnga atuiueq suliarinerata</p>	<p><i>EU-Fodnote Danmarkimut atatillugu ikkunneqarsimavoq</i></p>

# MISSINGIUT

<p>iluarsartuunneranik taamaallaat patsiseqarpoq aamma Danmarkimi atuunneranut imaaliillaanaq sunniuteqarani.</p>	
<p><b>1. Allagaatit najoqqutat</b></p> <p>1.1 Silaannakkut angallannermut ingerlatsinermik aamma silaannakkut angallannermik kiffartuussinermik suliaqartunut aamma taakkuninnga suliaqartartunut allanut ataatsimoortumik piumasaqaatinik aamma nakkutilliisoqarneq pillugit aalajangersaaneq pillugu Kommissionip atortuulersitsinermik peqqussutaa (EU) 2017/373, 1. marts 2017-imeersoq, peqqussutip (EF) nr. 482/2008-p, atortuulersitsinermik peqqussutip (EU) nr. 1034/2011-p aamma (EU) nr. 1035/2011-p kiisalu peqqussutip (EU) 2016/1377-ip atorunnaarsinneri aamma peqqussutip (EU) nr. 677/2011-p allangortinneqarnera, taanna peqqussutikkut (EU) nr. 2020/469, 14. februar 2020-meersumi, peqqussut (EU) nr. 2021/665- 22. april 2021-meersumi, peqqussut (EU) nr. 2021/1338, 11. august 2021-meersumi, peqqussut (EU) 938 af 26. juli 2022-meersumi aamma peqqussut (EU) 2023/1771, 12. september 2023-meersumi allangortinneqartoq, tulliuttuni ATM/ANS-peqqussummik taaneqartartussa.</p> <p>1.2 Europami naalagaaffiit qulaanni silaannarmi ataatsimoorussamik silaannakkut angallannermi kiffartuussinermik suliaqarneq pillugu Europa-Parlamentip aamma Rådip peqqussutaat (EF) Nr. 550/2004, 10. marts 2004-meersoq, allangortinneqartoq Europa-Parlamentip aamma Rådip peqqussutaanni (EF) nr. 1070/2009, 21. oktober 2009-meersumi, tulliuttuni taaneqartartussa q silaannakkut angallannermi kiffartuussinermut peqqussut.</p> <p>1.3 BL 7-5, Savalimmiunut aamma Kalaallit Nunaannut silaannakkut angallannermi kiffartuussinermik suliaqarnermut aamma silaannakkut angallannermut il.il. atorneqartussanik kiffartuussinernut allanut piumasaqaatit aalajangersakkat, saqqummiussaq 1, 7. marts 2022-meersoq.</p> <p>1.4 ICAO Annex 3, International Standards and Recommended Practices, Meteorolaammaical Service for International Air Navigation, 20-ssaanik saqqummiussaq juli 2018-imi, 79-imut allangortinneqartoq 20. juli 2020-mi aamma 80-imut 30. september 2020-mi allangortinneqartoq.</p> <p>1.5 WMO No 1209 – Compendium of WMO Competency Frameworks, 2019-imeersoq.</p> <p>1.6 Allagaatit, imm. 1.1 - 1.2.-ni taaneqartut nassaarineqarsinnaapput uani Europæiske Unionip nittartagaani <a href="http://www.eur-lex.europa.eu">www.eur-lex.europa.eu</a>. Allagaat, imm. 1.3-mi taaneqartoq Retsinformationip nittartagaani <a href="http://www.retsinfo.dk">www.retsinfo.dk</a> aamma Trafikstyrelsenip nittartagaani <a href="http://www.trafikstyrelsen.dk">www.trafikstyrelsen.dk</a> nassaarineqarsinnaapput. Allagaatit tamarmik imai uunga saaffiginninnikkut pissarsiarineqarsinnaapput:</p> <p>Trafikstyrelsen Danish Civil Aviation and Railway Authority Carsten Niebuhrs Gade 43 DK-1577 København V Oqarasuaat 7221 8800 Fax 7262 6790 E mail <a href="mailto:info@trafikstyrelsen.dk">info@trafikstyrelsen.dk</a></p>	<p><i>Aallaqqaasiut aqqissuisunit aamma inatsisilerinermi teknikkikkut nutarterneqarpoq. Aallaavittut allagaatit BL-imi aalajangersakkani taaneqartut kisimik najoqqutatut innersuunneqarput.</i></p>

# MISSINGIUT

<p><b>2. Nassuiaatit.</b></p> <p>2.1 <i>ATM/ANS-peqqussut/BL-7-5:</i> Suliarinerata iluarsartuunnera eqqarsaatigalugu ataatsimoorussamik innersuussineq, tassani ATMA/ANS-peqqussut, tak. imm. 1.1, Danmarkimut atuuppoq aamma BL 7-5, tak. imm. 1.2, Savalimmiunut aamma Kalaallit Nunaannut atuulluni.</p> <p>2.2 Nassuiaatit allat pillugit ATM/ANS-peqqussut/BL 7-5 innersuunneqarpoq.</p>	<p><i>Imm. 2.1-imi nassuiaat suliarinerata iluarsartuunnera eqqarsaatigalugu ilanngunneqarsimavoq, taamaalilluni Danmarkimi aamma Savalimmiuni, Kalaallilu Nunaanni silaannakkut angallannermik kiffartuussinerit pillugit inatsisit attuumassutilit atuuttut ataatsikkut innersuunneqarsinnaaniassammata.</i></p> <p><i>Aammattaaq imm. 2.2-mi inatsimmut tassunga nassuiaatit allat pillugit innersuussisoqarpoq, tak. ATM/ANS-nut suliaqarfimmi BL-inut suleriaaseq pillugu.</i></p> <p><i>Malugiuk "silaannakkut angallannermut silasiorfik" (ATM/ANS-peqqussut &amp; BL 7-5-imi qallunaatut allannernit nutsikkanit isummap imaa) aamma "silami maanna pissutsinik nakkutiginniffik nalunaaruteqartarfillu" uani quleriaani siullermi oqaatsit assigiimmik isumalittut atorreqarput.</i></p>
<p><b>3. Atuuffia</b></p> <p>Matuma BL-ip qallunaat sumiiffianni kiisalu sumiiffinni nunat tamalaat akornanni isumaqatigiissutit malillugit Danmarkip silasiorneq pillugu kiffartuussisarnermik suliaqarnissamik pisussaaffeqarfianni sakkutuujungngitsut silaannakkut angallanneqarnerannut silasiornermik kiffartuussineq aamma silasiornermik atortut aalajangersaaffigai. ATM/ANS-peqqussummi/BL 7-5-imi silasiornermik kiffartuussineq pillugu suliaqarnermut piumasaqaatinut aalajangeriikkanut aalajangersakkat ilassutaapput.</p>	<p><i>Immikkoortoq 3 BL 7-17-ip aamma BL 7-18-ip manna tikillugu atuussimasut atuuffiannik ilaqarpoq.</i></p> <p><i>Atuuffia Nordsømi imaannarmi avataani qillerivinnut annertusineqarpoq, taamaattorli inatsisinut atuuttunut naleqqiullugu erseqqissaataasumik naleqqussaaneq taamaallaat pineqarluni. Peqqussut (EU) 2018/1139 (silaannakkut angallanneq pillugu tunngaviumik peqqussut) taamaalilluni Europami naalagaaffiit qulaanni silaannarmi ataatsimoorussamik silaannakkut angallannermut ATM/ANS-inik kiffartuussinerimut atuuppoq, Danmarkillu akisussaaffianut atatillugu København FIR-imut kiisalu FIR-inut eqqaaniittunut ilaannut atuulluni naalagaaffinnut pineqartunut isumaqatigiissuteqarneq malillugu. Tamatuma kinguneratut ATM/ANS-imik kiffartuussinerit Danmarkip akisussaaffigisaanni, matumani Nordsøp ilaani, tunniunneqartartut, ATM/ANS-peqqussummi piumasaqaatit maleruassavaat, matumani akuersissuteqarnissamut piumasaqaat.</i></p> <p><i>Aammattaaq erseqqissarneqarpoq, aalajangersakkat Danmarkimut peqqussummut (EU) 2017/373 ilassutitut malittarisassanik kiisalu Savalimmiunut aamma Kalaallit Nunaannut atuuttumut BL 7-5-imut ilassutitut malittarisassanik taamaallaat imaqarmata.</i></p> <p><i>Maannamut atuuttumut BL 7-17-imut akerliu sumik, tassani taamaallaat silami maanna pissutsinik nakkutiginniffik nalunaaruteqartarfimmillu (aamma paasissutissiinermut kiffartuussivimmik) pilersitsinissamut imaqartumut, BL 7-17 nutaaq 'Mittarfiup silasiorfimmut allaffimmut' (DMI) kiisalu 'silasiorfiup nakkutiginninnermut allaffianut' (DMI) atuutissaaq, tak. immikkoortoq 4.</i></p>
<p><b>4. Nalinginnaasumik</b></p> <p>Silami maanna pissutsinik nakkutiginniffik nalunaaruteqartarfillu (silaannakkut angallannermut silasiorfik), mittarfiup silasiorfimmut allaffia kiisalu silasiorfiup nakkutiginninnermut allaffia, ATM/ANS-peqqussummut/BL 7-5-imut malittarisassat malitsigisaasa saniatigut, aamma uani BL-imi aalajangersakkat naapertorlugit.</p>	<p><i>Imm. 4-mi aalajangersarneqarpoq silasiornermik kiffartuussinerit sorliit pilersinneqassanersut, aamma kiffartuussinerit taakku, ATM/ANS-peqqussummi/BL 7-5-imi kiffartuussinerimik suliaqarnermut piumasaqaatit atuuttut saniatigut, BL-imi matumani piumasaqaatit piviusunngortissagaat.</i></p>
<p><b>5. Silamik nakkutilliffimmik pilersitsineq</b></p> <p>5.1 Taanna, elektroniskimik nassiussuineq atorlugu silasiornermik paasissutissanik nalinginnaasumik silaannakkut angallannermut atugassanngortitsisoq, silami maanna pissutsinik nakkutiginniffimmik nalunaaruteqartarfimmillu (silaannakkut angallannermut silasiorfimmik) pilersitsissaaq.</p>	<p><i>Imm. 5.1-ip silami maanna pissutsinik nakkutiginniffik nalunaaruteqartarfillu qanoq ilinikkut pilersinneqassanersooq aalajangersarpa. Mittarfiit qanoq ittuuneri apeqqutaatillugit immikkoortinneqanngillat - taamaallaat silasiornermut paasissutissat suliarineqarnerisa aalajangiiffigissavaat silami maanna pissutsinik nakkutiginniffimmik nalunaaruteqartarfimmillu pilersitsisoqassanersooq imaluunniit pilersitsisoqassannginnersoq.</i></p>

## MISSINGIUT

<p>5.2 Taanna, Danmarkimut silaannakkut angallannermi kiffartuussinnermut peqqussummi atuuttumi artikel 9 malillugu aamma Savalimmiunut aamma Kalaallit Nunaannut silaannakkut angallanneq pillugu inatsimmi atuuttumi § 54 malillugu silasiornermik kiffartuussinnermik suliaqartut kisermaassilluni silasiornermut paasissutissanik tunniussuisartussatut toqqarneqarsimasoq, mittarfiup silasiorfimmu allaffianik kiisalu silasiorfiup nakkutiginninnermut allaffianik pilersitsissaaq.</p> <p>5.3 Trafikstyrelsen pisuni immikkut ittuni, silasiornermi pissutsit, pissusaat imaluunniit mittarfimmi timmisartortarnerup annertussusaa tunngavigalugit, mittarfimmi silami maanna pissutsinik nakkutiginniffimmik nalunaaruteqartarfimmillu (silaannakkut angallannermut silasiorfimmik) pilersitsisoqarnissaanik piumasaqaateqarsinnaavoq.</p>	<p><i>BL 7-17-ip manna tikillugu saqqummiunneqarsimasumut assigiinngissutitut, silaannakkut angallannermut kiffartuussinnerup (ATC/AFIS) qanoq issusaata, silasiornermik kiffartuussivik pilersinneqassanersoq aalajangissanngilaa, kisianni nalinginnaasumik silaannakkut angallannermut silasiornermik paasissutissat avitseqatigineqartarsinnaanerata aalajangertassavaa. ATM/ANS-peqqussut aamma BL 7-5 malillugit silasiornermik kiffartuussivimmik pilersitsinnermi kiffartuussinnermik suliaqartoq tamatumunnga akuersissuteqassaaq.</i></p> <p><i>Akerlingatut imm. 5.-ip kinguneraa, silasiornermut paasissutissanik suliaqartartoq, kisianni nalinginnaasumik silaannakkut angallannermut paasissutissanik atugassatut taakkuninnga elektroniskimik nassiussuineq ajortoq, assersuutigalugu paasissutissat najukkami mittarfimmi taamaallaat atorneqartarmata, silasiornermik kiffartuussivimmik pilersitsinissamut piumasaqaateqanngitsoq aamma taamaattumik ATM/ANS peqqussut/BL 7-5 malillugu akuersissuteqarnissamik piumasaqaatinik kiisalu BL-imi uani piumasaqaatinik arlalinnik malinnittussaannngitsoq, tak. ataani imm. 6.2, aaqqissuussisimasunut taamaattunut akisussaaffimmik aalajangersaaneq pillugu.</i></p> <p><i>Imm. 5.2 Mittarfiup silasiorfimmu allaffianik kiisalu silasiorfiup nakkutiginninnermut allaffianik pilersitsinnermut, marluullutik DMI-mut atuuttunut, tunngapput. Immikkoortup aalajangersarppaa, DMI kiffartuussinnermik taakkuninnga marlunnik pilersitsissasoq (peqqussut (EU) 2017/373 malillugu silasiornermik kiffartuussinnermik pingasuusunit taakku marluk pineqarput – pingajuat tassaavoq silaannakkut angallannermut silasiorfik/ silami maanna pissutsinik nakkutiginniffik nalunaaruteqartarfillu.</i></p> <p><i>Aalajangersakkap imm. 5.3-p Trafikstyrelsen silami maanna pissutsinik nakkutiginniffimmik nalunaaruteqartarfimmillu pilersitsinissamut piumasaqaateqarnissamut periarfissippaa, assersuutigalugu mittarfimmi assut imaluunniit pisariusumik angallattoqartarpat, imaluunniit immikkut ittumik silasiornermi pissutsit atorneqarpata, assersuutigalugu silaannaap aalaruluttarnera imaluunniit sila allanngujappat il.il. pissutigalugit kiffartuussinnermik pilersitsinissamik pisariaqartitsiviulerpata. Silami maanna pissutsinik nakkutiginniffimmik nalunaaruteqartarfimmillu pilersitsisoqarpat, ATM/ANS-peqqussut aamma BL 7-5 malillugit silasiorneq pillugu kiffartuussinnermik suliaqartoq tamatumunnga akuersissuteqassaaq.</i></p>
<p><b>6. Akisussaaffik</b></p> <p>6.1 Imm. 5.1, 5.2 imaluunniit 5.3 malillugu silasiornermik kiffartuussivimmik pilersitsisimasup qulakkiissavaa, immikkoortoq 7-11-mi ilinniarnaq pillugu aalajangersakkat, suliakkerinnermut tunngasut pillugit aalajangersakkat aamma silasiornermi atortut pillugit aalajangersakkat unioqqutinneqannginnissaat.</p> <p>6.2 Taanna, imm. 5.1, 5.2 imaluunniit 5.3 malillugit silasiornermik kiffartuussivimmik pilersitsinissamut piumasaqaateqarni, silaannakkut angallanneq pillugu inatsimmi § 60 malillugu akuerineqarsimasoq imaluunniit</p>	<p><i>Imm. 6.1-imi aalajangersarneqarput akisussaaffeqarneq aamma silasiornermik kiffartuussinnermut piumasaqaatit sorliit piviusunngortinneqassanersoq.</i></p> <p><i>Imm. 6.2-mi najukkami mittarfimmi taamaallaat atorneqartussanik silasiornermik paasissutissanik pilersitsisartunut, akuerineqarsimasunut imaluunniit akuersissutillinnut, aamma nalinginnaasumik silaannakkut angallannermut elektroniskimik nassiussuinnermut atugassanik paasissutissanik tunniussineq ajortunut, taamaallitullu silasiornermik kiffartuussivimmik pilersitsisussaannngitsunut,</i></p>

# MISSINGIUT

<p>mittarfimmut EU-peqqussut malillugu akuersissuteqarluni silasiornermik paasissutissanik najukkami mittarfimmi atugassanik silasiornermi atortut atorlugit pilersitsisup, taamaallaat silasiornermut atortussat imm. 11.1-imi taaneqartut teknikkikkut piumasaqaataannik piviusunngortitsissaaq.</p>	<p><i>akisussaaffeqarneq piumasaqaatillu suut piviusunngortinneqassanersut aalajangersarneqarput.</i></p> <p><i>Mittarfiit akuerisat imaluunniit akuersissutillit ilagaat mittarfiit, atorneqarnerat tamanut ammasut aamma namminersortut mittarfiutaat, inuussutissarsiorluni silaannakkut assartuinnermut atorneqartartut. Mittarfiit taamaattut, peqatigitillugu silasiornermik kiffartuussivimmik pilersitsinissamut pisussaaffeqanngitsut, assersuutigalugu mittarfiit minnerit, helikopterit umiarsuarni mittarfiit, illuni immamaluunniit sanarfisani mittarfiit mikisut aamma HEMS-inut inissat.</i></p> <p><i>Soorlu allassimasoq, mittarfiit taamaattut akuerisat akuersissutilluunniit silasiornermut kiffartuussinernik pilersitsinissamut pisussaaffeqanngitsut, taamaallaat imm. 11.1-imi piumasaqaatinik piviusunngortitsissapput, tassa imaappoq ICAO Annex 3/WMO-p teknikkikkut silasiornermut atortut teknikkikkut piumasaqaataat kisiisa piviusunngortissavaat, aamma allanik teknikkimik piumasaqaataasut taaneqartut saniatigut allanik suliakkerneqassanngillat.</i></p> <p><i>Tassunga atatillugu maluginiarneqarpoq, maannakkut BL 3-5-imi imarmi sanarfisani helikopteritut mittarfeeqqani silasiornermut atortoqarnissaa pillugu taamaallaat piumasaqaateqartoqarmat (anorisiutit, issisiutit/kiassiutit, isugutammut uuttortaatit aamma silasiutit) aamma helikopteritut mittarfeeqqani qullartinneqarsimasumi BL 3-8-imi (anorimut uuttuutit), taakku taamaalillutik imm. 11.1-imi teknikkimik piumasaqaatit piviusunngortissavaat, tassami maanna imarmi sanarfisani helikopterit mittarfiini silasiornermut atortoqarnissaa pillugu taamaallaat piumasaqaateqartoqarmat.</i></p> <p><i>Mittarfiup atortunik piumasarineqanngitsunik atuiniarluni toqqarpagu, taakku aamma imm. 11.1. imi teknikkimik piumasaqaatinik piviusunngortitsissapput.</i></p>
<p><b>7. Ilinniagaqarneq</b></p> <p>7.1 Inuit, ATM/ANS peqqussut/BL 7-5 malillugu, pisarneq malillugu silami maanna pissutsinik nakkutiginninnermik nalunaaruteqartarnermillu suliaqartartut, kiisalu inuit, silami maanna pissutsinik nakkutiginninnermit nalunaaruteqartartut ilinniagaqarnermut programmi Trafikstyrelsenimit akuerineqarsimasoq naammassisimassavaat.</p> <p>7.1.1 Ilinniagaqarnermut programmip WMO publikation No. 1209 – Compendium of WMO Competency Frameworks kingullermik saqqummersinneqartoq, tunngavigissavaa.</p> <p>7.1.2 Ilinniagaqarnermut programmip imaata najukkami silasiornermi pissutsit isiginiassavaat.</p> <p>7.2 Inuit, ATM/ANS peqqussut/BL 7-5 malillugu, pisarneq malillugu silami maanna pissutsinik nakkutiginninnermik nalunaaruteqartarnermillu suliaqartartut, kiisalu inuit, silami maanna pissutsinik nakkutiginninnermit nalunaaruteqartartut minnerpaamik ukioq allortarlugu silasiorneq pillugu aserfallatsaaliuinnermik sungiusartassapput.</p> <p>7.2.1 Mittarfimmi pineqartumi silami maanna pissutsinik nakkutiginniffimmut nalunaaruteqartarnermillu attuumassutilimmik silasiorneq pillugu aserfallatsaaliuinnermik sungiusarneq teoritikimik ilaqartassaaq aamma suliarinninnermik ilaqartassalluni.</p>	<p><i>Immikkoortoq 7, tak. imm. 6.1 malillugu piginnaasalinnik sulisoqarnissamut akisussaaffik taamaallaat akuersissuteqarluni silasiornermik kiffartuussinernik suliaqartartumiippoq, tassa mittarfimmiinnani najukkami paasissutissanik atugassaannarnik pilersitsisartumiinnani, tak. imm. 6.2.</i></p> <p><i>Imm. 7.1.1-ip silasiortutut ilinniagaqarnerup WMO (World Meteorological Organization)-p siunnersuutaanik minnerpaaffissatut innersuussutaanik imaqarnissaa periarfissippaa.</i></p> <p><i>Tassunga atatillugu Trafikstyrelsenip WMO publikation No.1209-miittut toqqarsimavai, No. 1083-miittut pinnagit, DMI-mit innersuutigineqartut malillugit. Trafikstyrelsenip nassuerutigaa WMO publikation no. 1083-mi silasiortutut nakkutilliusutut ilikkagassat (qupp. 56) taamaallaat naatsumik allaaserineqarsimasut, kisiannili WMO publikationen no. 1209 (qupp. 44) immikkoortumik imaqarpoq, tassani silasiortutut nakkutilliusunut ilikkagaqarnisamut pilersaarut sukumiinerusumik allaaserineqarsimalluni.</i></p> <p><i>Imm. 7.1.2-mi silasiortutut ilinniagaqarnerup imaa assigiinngissitaarneruvoq, assersuutigalugu Savalimmiuni aamma Kalaallit Nunaanni kiffartuussinernik suliaqartartut nunani taakkunani silami pissutsit immikkut ittumik atuuttut pillugit suliaqartartussaammata.</i></p> <p><i>MET-imik aserfallatsaaliuilluni sungiusarneq (taama sungiusarnerup annertunerpaartaa qallunaat silami maanna pissutsinik nakkutiginniffianni nalunaaruteqartarfiinilu ingerlanneqartarpoq) imm. 7.2.-imi ilanngunneqarpoq.</i></p>

## MISSINGIUT

<p>7.3 Ilinniarnermut programmi kiisalu aserfallatsaaliuineramik sungiusarneq allagaatinik uppernarsaasersorneqassapput.</p>	<p><i>Silasiortut akuersissutillit amerlanerpaartaat ukiumoortumik aserfallatsaaliuineramik sungiusarneqarneq ingerlattareerpaat MET annerusumik minnerusumilluunniit ilanngullugu. Piumasaqaateqaatip manna tikillugu atuuttumi BL 7-17-imi, pingajussaanik saqqumm. (imm. 7.2.2) piumasaaqaat ilaatigut taarserpaa, tassani silasiortoq qaammatit 24-t iluanni ulluni 20-ni silami maanna pissutsinik nakkutiginninnermik nalunaaruteqartarnermillu suliaqartartussaavoq.</i></p> <p><i>Manna tikillugu atuuttoq imm. 4.2, litra b, tak. BL 7-17, pingajussaanik saqqumm. atorunnaarpoq, silasiornermik kiffartuussivimmi ulluinnarni aqutsisumik akuersissuteqarnissaq imaluunniit toqqaasarnissaq piumasaqaataangimmat. Silasiornermik kiffartuussinermik suliaqartartut namminneq ulluinnarni aqutsisumik toqqaasoqartassanersoq aalajangersinnaavaat, kisianni tamanna najukkami aaqqissuussisimasut pisortanut aaqqissuussineranni malittarisassaliuunneqassaaq aamma tamanna Trafikstyrelsenip susassarinnigilaa.</i></p>
<p><b>8. Silaannakkut angallannermut silasiorfik</b></p> <p>8.1 Silaannakkut angallannermut silasiorfimmut, ATM/ANS-peqqussut/BL 7-5 malillugu silami maanna pissutsinik nakkutigisanit nalunaaruteqartassaaq (METAR), ilassutitut aalajangersakkat tulliusut atuupput.</p> <p>8.2 METAR (mittarfimmut silasiornermik nalunaarut), ATM/ANS-peqqussut/BL 7-5 malillugu, tak. MET.OR.200, litra a, nr. 3, akunneq affakkaarlugu nassiunneqartassaaq, akunnerit ilivitsut tamaasaa iluanni 20 minutsikkaarlugu nassiunneqartassaaq aamma akunnerit ilivitsukkaat 10 minutsinik sioqqullugit nassiunneqartassalluni.</p> <p>8.3 Trafikstyrelsenip Savalimmiunut aamma Kalaallit Nunaannut, BL 7-5, tak. MET.OR.200, litra b malillugu aalajangersakkat saniatigut aalajangersinnaavaa METAR akunnikkaartumik nalunaarutigineqartassasoq, mittarfiup timmisartorfigineqartarneranut ileqqut aamma pissutsit allat attuumassutillit eqqarsaatigalugit.</p> <p>8.4 METAR imm. 8.3 imaluunniit ATM/ANS-peqqussut/BL 7-5, tak. MET.OR.200, litra b malillugu akunnikkaartumik nassiunneqartassapput, METAR akunnerit ilivitsukkaat 10 minutsinik sioqqullugit nassiunneqartassaaq.</p> <p>8.5 METAR AUTO-METAR-isut nassiunneqartarsinnaavoq.</p>	<p><i>ATM/ANS-peqqussut/BL 7-5-ip kinguneratut METAR-imek nalunaaruteqartarnissaq piumasaqaataavoq, immikkoortumilu 8-mi aalajangersakkat taakku aalajangersakkat naammaqquserpaat.</i></p> <p><i>Imm. 8.2-mi ATM/ANS-peqqussut/BL 7-5-imi METAR-imut piffissap akulikissusaanut piumasaqaat, piffissami qanoq ilinikkut akunnerup affakkaartumik METAR nassiunneqartassanersoq pillugu piumasaqaammik naammaqquserneqarpoq.</i></p> <p><i>Imm. 8.3-mi MET.OR.200, litra b-mi Savalimmiunut aamma Kalaallit Nunaannut aalajangersagaq naammaqquserneqarpoq. MET.OR.200, litra b-mi aalajangersagaq malillugu, METAR akunnikkaartumik, akunnerup affakkaartumut taarsiullugu mittarfinnut nunat tamalaat akornanni inuussutissarsiutaanngitsumik timmisartunik ilaasortaatitut timmisartunik angallassinermik suliaqartartussaannngitsunut nassiussuunneqartassaaq, soorlu oqartussamit piginnaatitaasumit aalajangersarneqarsimasooq. Imm. 8.3-mi periarfissaq taanna aamma annertusineqarpoq, tassani mittarfiup timmisartorfiunerata ileqquinik aamma pissutsinik attuumassutillinnik allanik tunngavilerneqarluni.</i></p> <p><i>Imm. 8.4-imi, imm. 8.3 aamma ATM/ANS-peqqussut/BL 7-5-imi piumasaqaat, akunneq ilivitsukkaarlugit METAR-it nassiunneqartassasut piffissami qanoq ilinikkut nassiunneqartarnissaat pillugu piumasaqaatinik naammaqquserneqarpoq.</i></p> <p><i>Imm. 8.5-ip ullumikkut silaannakkut angallannermut silasiorfinit METAR-ip nassiunneqartarneranni suleriaaseq pillugu malitarisassat aalajangersarpai. Piumasaqaataasoq assersuutigalugu Norgemi aamma Sverigemi piumasaqaatinut assingunngilaq, taakku nunat marluullutik mittarfiup ammasarnerata nalaani (NO) / piffissami mittarfimmi timmisartumik angallanneq pillugu nakkutilliinermik kiffartuussinerup nalaani (SV) assaat atorlugit silami maanna pissutsinik nakkutigisanit nalunaaruteqartarnissaannik piumasaqaateqarput. Norge pineqartillugu AUTO-METAR silaannakkut angallannermut nakkutilliiviup akuersineratigut akuerineqarsinnaapput.</i></p>



# MISSINGIUT

<p><b>9. Mittarfiup silasiorfimmu allaffia</b></p> <p>9.1 Mittarfiup silasiorfimmu allaffianut, ATM/ANS-peqqussut/BL 7-5 malillugu, silassamik suliaqarnissamut akisussaasuusumut (TAF kiisalu TREND) mittarfinnut, AIP Danmarkimut AIP-imi, Savalimmiunut aamma alaallit Nunaannut AIP-imi, imm. AD.2 mittarfiup pineqartup ataani allasimasatut, naammaquusititut aalajangersakkat tullisut atuupput.</p> <p>9.2 Mittarfinnut killilimmik ammasarfilinnut mittarfiup silasiorfimmu allaffia TAF-imik atulersitsisinnaavoq minnerpaamik akunnernut 9-nut atuuttussamik, ATM/ANS-peqqussut/BL 7-5 malillugu, tak. MET.TR.220, litra c.</p> <p>9.3 AUTO-mik misissuinerit (AUTO-METAR) atorneqarsinnaapput, TAF-ip suliarinissaanut tunngavissatut.</p> <p>9.4 Mittarfiup silasiorfimmu allaffiata nalilerpagu, silaannakkut angallannermut silasiorfimmu silami maanna pissutsinik nakkutigisanit nalunaarutit nassiunneqartarsimasut pitsaassusaat naammanngitsut, taava mittarfiup silasiorfimmu allaffiata aalajangersinnaavaa, TAF-imik nassiussisarneq suli atorunnaarallartinneqassasoq.</p>	<p>TAF-imik aamma TREND-imik atulersitsinissamik piunasaqaat ATM/ANS-peqqussut/BL 7-5-ip kinguneraa, aalajangersakkallu immikkoortoq 9-miittut aalajangersakkanik taakkuninnga naammaquusiipput.</p> <p>ATM/ANS-peqqussut/BL 7-5-imi aalajangersakkat tulluuttut nammaquuserneqarput.</p> <p>MET.OR.215(a) "Mittarfiup silasiorfimmu allaffia ima suliaqassaaq: a) silassamik ilimasaarutinik suliaqassaaq aamma/imaluunniit silassamik ilimasaarutinik aamma silasiornermut paasissutissanik attuumassutilinnik pissarsiniartassaaq, atuuffimminik suliaqarnissaminut pisariaqartinneqartumik atugassaminik, timmisartuussinernut kiffartuutassaminut atugassamik, oqartussat piginnaatitaasut ilitsersuutai malillugit"</p> <p>MET.OR.225(a) Minnissamut silamik ilimasaarutit (TREND pillugu) mittarfiup silasiorfimmu allaffia imaaliussaaq: a) silassamik ilimasaarutinik suliaqassaaq aamma/imaluunniit silassamik ilimasaarutinik aamma silasiornermut paasissutissanik attuumassutilinnik pissarsiniassaaq, atuuffimminut suliaqarnissaminut pisariaqartinneqartumik atugassaminik, timmisartuussinernut kiffartuutassaminut atugassamik, oqartussat piginnaatitaasut ilitsersuutai malillugit"</p> <p>MET.OR.230(a) Aallarnissamut silassamik ilimasaarutit "Mittarfiup silasiorfimmu allaffia imaaliussaaq: a) aallarnissamut silassamik ilimasaarutinik suliaqassaaq, oqartussat piginnaatitaasut aalajangersagai malillugit"</p> <p>Imm. 9.2-mi MET.TR.220 Mittarfinnut silassamik ilimasaarutit, tak. litra c-mi, TAF-imik akunnerit 9-t ataallugit atuuttussamik aalajangiinissamut periarfissaq atorneqassaaq:</p> <p>" c) Pisanerq malillugu TAF-imut atuuffissamut piffissaq akunnerit 9-ussapput, 24-ussallutik imaluunniit 30-ussallutik, oqartussaq piginnaatitaasoq allamik aalajangiinngippat, mittarfinnut akunnerit 9-t ataallugit angallannermik kiffartuussisartut eqqarsaatigalugit."</p> <p>Imm. 9.3-mi aalajangersarneqarpoq TAF-imik suliaqarnermik suleriaaseq, ullumi atorneqartartoq. Tamanna ATM/ANS-peqqussut/BL 7-5-imi taaneqarsimasoq takuneqarsinnaanngilaq.</p> <p>Imm. 9.4 DMI-p pingaarnerusumik kaammattuineratigut Totalimit Nordsømiittumit silami maanna pissutsinik nakkutigisanit nalunaarutit nammineq nassiussuunneqartarput. Piunasaqaatip taamaalilluni silami maanna pissutsinik nakkutigisanit nalunaarutit naammattumik pitsaassuseqarnissaannut piunasaqarnissamut DMI periarfissippaa.</p>
<p><b>10. Silasiorfiup nakkutiginninnermut allaffia</b></p> <p>10.1 Silasiorfiup nakkutiginninnermut allaffianut, ATM/ANS-peqqussut/BL 7-5 malillugu pukkitsumi (LLF) sumiiffimmi timmisartornissamut silassamut ilimasaarutinik nassiussisartussamut, ilassutitut aalajangersakkat tulliusut atuupput.</p> <p>10.2 ATM/ANS-peqqussut/BL 7-5, tak. MET.OR.260, litra b malillugu sumiiffimmut silassamik ilimasaarutit imaassapput</p>	<p>LLF-mik atuutilersitsinissamut piunasaqaatip ATM/ANS-peqqussut/BL 7-5-ip kinguneraa, aamma immikkoortoq 10-mi aalajangersakkat taakku aalajangersakkat naammaquusersorpaat.</p> <p>MET.OR.260, tak. litra b-mut qaninnerusumik innersuussisoqarpoq:</p> <p>"b) oqartussap piginnaatitsisup paasisimappagu, timmisartornermut qaffasissuseq 100 ataallugu angallanneq imaluunniit qaffasissuseq 150 tikillugu, qaqqartuuni sumiiffinni</p>

# MISSINGIUT

<p>a. Nunap qaavanit timmisartorluni qaffasissutsimut, timmisartorluni qaffasissutsimit 100-mit appasinnerussanngilaq aamma timmisartorluni qaffasissutsimit 150-imit qaffasinnerussanani.</p> <p>b. akunnerni 8-ni piffissamut atuuffeqassaaq, aamma</p> <p>c. minnerpaamik najukkami piffissaq malillugu piffissaq nal. 06.00 aamma 22.00 akornanni atuutissalluni.</p> <p>10.3 Sumiiffimmi silassamik ilimasaarutip nassiinneqarsimasup imarisaani annertuumik allannortoqartoq nalunaarutigineqarpat, tamanna silasiorfiit nakkutiginninnermut allaffii allat attuumassutilit isumasioqatigereerlugit piaarnerpaamik allannortinneqassaaq.</p>	<p><i>imaluunniit pisariaqassappat qaffasinnerusumi angallanneq, sumiiffimmi pukkitsumi timmisartorfissami silassamik nalunaaruteqarnissamut pissutissaqalersitsisoq, AIRMET-imut ataqatigiissillugu atulersinneqartussaannigsumik, taava, atulersitsinnermut akuttussuseq, iluseq aamma sumiiffimmi pukkitsumi timmisartorfissami piffissamut atuuffissamut aalajangersagaq aamma taakkununga allannguinnessamut piumasaqaatit oqartussamit piginnaatitaasumit aalajangersagaasunut assingusumik aalajangersarneqarsimassapput."</i></p> <p><i>Imm. 10.2.a. Namcon regi-mi assigiissaarisooqarnissaa eqqarsaatigalugu DMI-p siunnersuutaa tunngavigalugu oqaasertalersorneqarsimavoq.</i></p> <p><i>MET.OR.260, litra b-mi AIRMET-imut innersuussineq eqqarsaatigalugu, maluginiarneqarpoq, Trafikstyrelsen aamma DMI-p isumaqatigiissutaa malillugu qallunaat sumiiffiata iluni taamaattunik AIRMET-inik atulersitsisoqartassanngitsoq.</i></p>
<p><b>11.0 Mittarfinni silasiornermi atortut</b></p> <p>11.1 Silasiornermi atortut, silasiornermut paasissutissanik katersinnermut atorneqartartut, ICAO Annex 3-mi kiisalu WMO-mit saqqummersitanit innersuussutit attuumassutilinni teknikkikkut suliaqarnikkullu qaffasissutsimut piumasaqaatit piviusunngortissimassavaat.</p> <p>11.2 Silasiornermi atortut tamarmik silasiornerup atornissaminut tulluarsarlugu aaqqissuussaananeranut ilaasut, akulikitsumik nakkutigalugit misissorneqartassapput, silasiornermik paasissutissat nassiinneqartartut eqqortuusuaannarnissaat qulakkeerniarlugu. Nakkutilliinermut piffissarititat atortussanik tunisassiorup innersuussutai minnerpaamik malittassavaat.</p> <p>11.3 Ingerlatsinermut aamma aserfallatsaaliuinermit ilitersuusiortoqassaaq (D&amp;V), tassani silasiornermi atortut tamarmik, silasiornerup atornissaminut tulluarsarlugu aaqqissuussaananeranut ilaasut allaaserineqassapput, matumani atortut ataavartumik eqqortumik atuuffeqarnerannut pisariaqartinneqartumik piffissakkaartumik nakkutilliifigineqartarnerat allaaserineqassalluni.</p> <p>11.3.1 Piffissakkaartumik nakkutilliinernut skiimat atugassat.</p> <p>11.4 Silasiornermi atortut, mittarfiup sumiiffiata silataani inissinneqarsimasut, avataanit susassaqqanngitsunit sunniivigineqarnissamut illersugaassapput.</p> <p>11.5 Mittarfinnut (RVR) I-mik suussusilinni mittarfiup isinut saqqumisup silissusaata aalajangernissaanut, mittarfiup sinaani imaluunniit qeqqani qulliit atorneqarsinnaapput, tak. ATM/ANS-peqqussut/BL 7-5, MET.TR.210, litra c, nr. 3 (e.c.),</p>	<p><i>Imm. 11.1 – 11.5-imi manna tikillugu atuuttuni BL 7-17-imi, pingajussaanic saqqummertumi/7-18-imi, pingajussaanic saqqummertumi piumasaqaatit suli naleqquttut, aamma peqatigitillugu ATM/ANS peqqussut aamma BL 7-5-imi naammaqqusiissutitut naleqquttut naliliifigineqartut katersorneqarput.</i></p> <p><i>Qulaani taaneqartutut, taanna silasiornermut paasissutissanik pilersitsisoq, kisianni paasissutissanik taakkuninnga nalinginnaasumik silaannakkut angallannermut elektroniskimik nassiussuineq ajortumut, aamma taamaalilluni silasiornermik kiffartuussivimmik pilersitsisussaannigsumut, assersuutigalugu paasissutissat taamaallaat najukkami mittarfinnut akuerineqarsimasumut imaluunniit akuersissuteqarsimasumut atugassaammata, imm. 11.1-imi piumasaqaatinik taamaallaat piviusunngortitsissaaq.</i></p> <p><i>Imm. 11.5-ip MET.TR.210 erseqqissaavigaa. Silap pissusaanic nakkutiginninneq, tak. Litra c, nr. 3:</i></p> <p><i>"c) Mittarfiup isinut saqqumisup silissusaa (RVR)</i>  <i>3) Sakkut tunngavigalugit aaqqissuussinerit</i></p>



# MISSINGIUT

	<p><i>Sakkut atorlugit aaqqissuussinerit transmissometer-inik aaqqissuussinernik suussusillit imaluunniit »forward-scatter«-inik suussusillit, mittarfinni kategori II aamma III-ni — aamma kategori I-mi sakkut atorlugit timmisartorluni mikkiartornermut aamma sakkut atorlugit mittarfinnut minnissamut atorneqartartuni RVR-mik naliliinissamut atorneqassapput, <b>tamanna oqartussamit piginnaatitaasumit aalajangersaaffigineqarpat.</b></i></p>
<p><b>12. Immikkut akuerineqarneq</b></p> <p>Trafikstyrelsen pisuni immikkut ittuni BL-imi matumani aalajangersakkanit immikkut akuersissuteqarsinnaavoq, aalajangersakkanut pineqartunut tunngaviusunut, matumani suliaqarfimmi nunat tamalaat malittarisassaannut katigunneqarsinnaasutut nalilerneqarpata.</p>	<p><i>Aalajangersagaq BL-imi nutartikkami ingerlateqqinneqarpoq.</i></p>
<p><b>13. Naammagittaalliorfissamut periarfissat</b></p> <p>BL manna malillugu Trafikstyrelsenip aalajangigai Transportministeriemut imaluunniit aqutsinermi allaffissornikkut oqartussaasumut allamut naammagittaalliuutigineqarsinnaanngillat , tak. Trafikstyrelsenip suliaqarfi aamma piginnaatitaaneri, naammagittaalliorfissamut periarfissat aamma Trafikstyrelsenip maleruaqusaasa ilaanik aalajangersaaneri pillugit nalunaarut.</p>	<p><i>Naammagittaalliorfissamut periarfissat ilanngunneqarput, pisinnaatitaanermik/oqartussaasutisimik allamut (oqartussaasumut alliuunerusumut) isumagisassanngortitsinermit nalunaarummut assinguniassammat.</i></p>
<p><b>14. Pillaasarneq pillugu aalajangersagaq</b></p> <p>14.1 Imm. 5, imm. 8.2, imm. 8.4, imm. 10.2 - 10.3, imm. 11.1 - 11.4-mi aalajangersakkat unioqqutinneqarpata akiliisitsilluni pillaasoqassaaq, silaannakkut angallanneq pillugu inatsit malillugu qaffasinnerusumik pillagaanissaq nammineq pisuussutigineqarsimangippat.</p> <p>14.2 Ingerlatseqatigiiffiit il.il. (ataatsimoortutut inatsiseqartitsinikkut nammineertut) pinerluttulerinermit inatsimmi kapitali 5-imi maleruagassat malillugit pillaatissanut akisussaataasinnaapput.</p>	<p><i>Pillaasarneq pillugu aalajangersagaq inatsisilerinermit teknikkikkut nalerisarneqarpoq piumasaqaatinut naleqquttunngortillugu.</i></p>
<p><b>15. Atuutilerfia</b></p> <p>15.1 BL ulloq 1. januar 2025 atuutilerpoq.</p> <p>15.2 BL 7-17, pingajussaanik suliarineqarnera, 12. december 2008-meersoq aamma BL 7-18, pingajussaanik suliarineqarnera, 12. december 2008-meersoq atorunnaarsinneqarput.</p>	